

Na osnovu odredbe člana 138. i 174. Zakona o srednjem obrazovanju ("Sl. novine Kantona Sarajevo broj 23/10), odredbe člana 179. Pravila Druge gimnazije Sarajevo, Školski odbor Druge gimnazije Sarajevo je na sjednici koja je održana dana 8.2.2016. godine, jednoglasno donio **odluku** da se raspiše

JAVNI KONKURS ZA IMENOVANJE DIREKTORA/DIREKTORICE ŠKOLE

I

Raspisuje se javni konkurs za imenovanje direktora/direktorice Javne ustanove Druge gimnazije Sarajevo.

II

Za direktora/direktoricu može biti imenovano lice koje, osim općih uvjeta, u pogledu stručne spremlje ispunjava uslove za nastavnika/nastavnicu ili pedagoga škole u koju konkuriše i ima najmanje 8 godina radnog iskustva i od toga najmanje 5 godina na poslovima u nastavi ili na pedagoško-psihološkim poslovima, te ima najmanje VII stepen stručne spremlje, odnosno završen najmanje II ciklus bolonjskog visokoobrazovnog procesa, i ima najmanje zvanje mentora.

III

Direktor/direktorica škole imenuje se na period od četiri godine sa mogućnošću ponovnog izbora, uz ograničenje od najviše dva uzastopna mandata u istoj školi.

Lica zatečena na poziciji direktora/direktorice škole, nakon okončanja tekućeg mandata mogu biti imenovana na dužnost direktora/direktorice u istoj školi na još najviše jedan uzastopni mandat.

IV

Uz prijavu na javni konkurs sa biografijom i opisom dosadašnjeg rada, kandidati su dužni priložiti slijedeće dokaze o ispunjavanju uslova iz konkursa – original ili ovjerene fotokopije:

- izvod iz matične knjige rođenih;
- diplomu o završenom fakultetu, VSS VII stepen obrazovanja, odnosno; diplomu o završenom master studiju, II ciklusu bolonjskog visokoobrazovnog procesa;
- uvjerenje o položenom stručnom ispitu u srednjem obrazovanju;
- uvjerenje o položenoj pedagoško-psihološkoj i metodičko-didaktičkoj grupi predmeta, za kandidate koji nisu završili nastavni fakultet;
- rješenje o promovisanju u više službeno zvanje (najmanje zvanje mentora);
- uvjerenje o dužini radnog iskustva u nastavi sa najmanje VII stepenom stručne spremlje, odnosno završenim najmanje drugim ciklusom bolonjskog visoko obrazovnog procesa;
- uvjerenje o državljanstvu (ne starije od 6 mjeseci);
- uvjerenje da protiv kandidata nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije BiH može izreći kazna zatvora u trajanju od tri mjeseca i više (ne starije od 3 mjeseca);
- ljekarsko uvjerenje o sposobnosti za rad

V

Javni konkurs ostaje otvoren 15 dana od dana objavljivanja.

VI

Školski odbor je dužan, nakon provedene procedure koja podrazumijeva pribavljanje saglasnosti od Vlade Kantona Sarajevo, donijeti odluku o imenovanju direktora/direktorice škole i u roku od 8 dana od dana donošenja odluke obavijestiti ostale kandidate.

VII

Prijavu sa dokazima o ispunjavanju uslova iz Javnog konkursa dostaviti na adresu:

Javna ustanova "Druge gimnazija Sarajevo", Sutjeska br. 1, sa naznakom: "NE OTVARATI, za Javni konkurs za imenovanje direktora/direktorice škole". Prijava sa dokazima o ispunjavanju uslova iz javnog konkursa može se dostaviti neposredno u Sekretarijat škole. Nepotpune i neblagovremene prijave neće se uzeti u razmatranje.

v.d. Predsjednika Školskog odbora
Faruk Bešlić, s.r.